



Broj: 12/08-23-20038-9/20

Zenica, 28.04.2021.godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14), Zapisnika o pregledu i ocjeni ponuda, broj: 12/08-23-20038-8/20, od 23.04.2021. godine, u otvorenom postupku javne nabavke za radove broj: 1417-1-3-54-3-34/20 od 30.12.2020. godine, Kantonalna direkcija za ceste u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona, donosi:

ODLUKU

o izboru najpovoljnijeg ponuđača

I

U otvorenom postupku javne nabavke radova – redovnog i zimskog održavanja regionalnih cesta, broj: 1417-1-3-54-3-34/20 od 30.12.2020. godine, za **LOT 1 - R 467 Ribnica-Olovo-Han Pijesak** (granica Federacije) ukupne dužine 58,04 km i **R 468 Olovo-Sokolac** (granica Federacije) ukupne dužine 9,58 km, ponuda ponuđača „**POROBIĆ**“ d.o.o Zavidovići (broj: 02-04/21 od 02.04.2021. godine) sa ukupno ponuđenom cijenom od **3.399.780,42 KM** (bez uračunatog PDV-a) izabrana je kao najpovoljnija.

II

Ponuđač „**POROBIĆ**“ d.o.o Zavidovići (ID broj: 4218228760005), adresa Radnička ulica b.b., 72220 Zavidovići, dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14) navedene u tački 12.3.1. i dokumente iz tačke 12.5.2. podtačka a) tenderske dokumentacije i to u roku od 5 (pet) dana od dana zaprimanja Odluke o izboru najpovoljnijeg ponuđača.

Ugovorni organ će odbaciti ponudu najpovoljnijeg ponuđača u slučaju da propusti blagovremeno dostaviti validne dokumente iz stava (1) ovog člana.

U skladu sa članom 72. i 98. stav (1) Zakona o javnim nabavkama BiH („Službeni glasnik BiH“ broj:39/14) ugovorni organ zaključit će Okvirni sporazum sa najpovoljnijim ponuđačem iz tačke I i II ove Odluke nakon isteka roka od 15 (petnaest) dana od dana kada su svi ponuđači obavješteni o izboru najpovoljnije ponude.

III

Ova odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

IV

Ova odluka stupa na snagu danom donošenja i zajedno sa Zapisnikom o pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12/08-23-20038/20 od 29.12.2020. godine. Javna nabavka provedena je po otvorenom postupku javne nabavke za radove u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 1417-1-3-54-3-34/20 objavljeno je na Portalu javnih nabavki 30.12.2020. godine. Ispravka obavještenja broj: 1417-1-3-54-8-12/21 objavljena je na Portalu javnih nabavki 13.01.2021. godine i broj: 1417-1-3-54-8-17/21 objavljena je na Portalu javnih nabavki 19.03.2021. godine.

Komisija za javne nabavke imenovana rješenjem broj: 12/08-23-20038-5/20 od 01.04.2021. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda.

U predviđenom roku za dostavljanje ponuda 05.04.2021. godine do 12:00 sati pristiglo je 8 (osam) ponuda od toga su za LOT 1 pristigle 2 (dvije) ponude.

U periodu od 05.04.2021. godine do 23.04.2021. godine Komisija je pregledala dostavljene ponude u skladu sa uslovima za učešće, obaveznim elementima ponude i tehničkim karakteristikama i utvrdila slijedeće:

Sve pristigle ponude za LOT 1, ispunile su postavljene uslove iz tenderske dokumentacije, te je za 21.04.2021. godine zakazano provođenje e-aukcije, sa početkom u 14:30 sati i predviđenim trajanjem od 10 minuta. E-aukcija je uspješno okončana, te je formirana konačna rang lista ponuđača prema Izvještaju o toku i završetku e-aukcije.

U skladu sa tačkom 23. tenderske dokumentacije, i nakon sprovedene e-aukcije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

Rang lista	LOT 1 Ponuđač	Umanjenje cijene na e-Aukciji	Ukupna cijena ponude sa popustom bez PDV-a
1.	POROBIĆ d.o.o Zavidovići	10,51 %	3.399.780,42
2.	JATA GROUP d.o.o Srebrenik	0 %	3.403.183,60

Na osnovu sačinjene rang liste, Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača „POROBIĆ“ d.o.o Zavidovići. Ugovorni organ prihvatio je preporuku Komisije za javne nabavke da se najpovoljnijem ponuđaču, „POROBIĆ“ d.o.o Zavidovići, dodijeli Okvirni sporazum za LOT 1 - Radovi redovnog i zimskog održavanja dionica regionalnih cesta R 467 Ribnica-Olovo-Han Pijesak (granica Federacije) ukupne dužine 58,04 km i R 468 Olovo-Sokolac (granica Federacije) ukupne dužine 9,58 km. Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70. i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni ponuda.

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona - Kantonalnoj direkciji za ceste, u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Prilozi:

- Zapisnik o pregledu i ocjeni ponuda

Dostavljeno:

- 2 x svim ponuđačima za LOT 1,
- 1 x a/a

Obradio:
Hikmet Mlivić

Saglasan: ARNEL ISAK, ministar